

**15 MAI**

**ACATISTUL  
SF. CUVIOS  
ARETA  
KATARGHIN  
DE LA  
VERHOTUR**

**ACATISTIER-RU**



# Акафист преподобному Арефе Верхотурскому

## Кондак 1

Избранный угодниче Божий, от млада сосуде благодати, / преподобный отче наш Арефо, / получивый обильные духовные дары от Господа: / любовь и милосердие ко всей братии и людям приходящим в Верхотурскую обитель, / преумноживший в ней дух целомудрия и благочестия. / Молися и за нас грешных: дабы нам послужити Христу / и стяжати в сердце огонь любви негасимый к Богу и ближним. / Да умиленно к тебе взываем: //  
Радуйся, отче Арефо, ходатай за нас неустанный.

## Икос 1

Ведомый Божественным промыслом, оставив от юности родительский дом, преселился еси на Валаам, богомудре Арефо, полюбив иноческое житие и подчинение старцам. Мы же благодаряще ныне Милостивого Бога, давшему чаду Своему правильное разумение в выборе небесного пути, глаголем ти сице:  
Радуйся, избранниче Божий от чрева матери;  
Радуйся, добре родителей славный сын.

Радуйся, в обители Сергия и Германа рано поселившийся;  
Радуйся, смирению и посту там научившись.  
Радуйся, на глазах монастырского начальства всегда ходивый;  
Радуйся, носивший кротко послушания видные.  
Радуйся, гордость и надменность ни во что же вменивший;  
Радуйся, скромностью zelo Богу и братии угодивый.  
Радуйся, со смирением и радостью поручения исполняющий;  
Радуйся, любовью Христовою сердце наполняющий.  
Радуйся, иноческую жизнь на острове начавший;  
Радуйся, обильно благодать от Господа стяжавший.  
Радуйся, отче Арефо, ходатай за нас неустанный!

## **Кондак 2**

Ангельские силы удивишася, егда на острове: молитвой, бдением и постом подвизался инок Арефо. Но Господь-Сердцеведец дарова ти ино место во спасение. Тем же мы, радуяся и веселяся таковому о тебе попечению Божиему, вопием Ему: Аллилуия.

## **Икос 2**

Показав душу твою, как белую благоухающую лилию, и желание усердно в ангельском чине послужити, призвал ты через архимандрита Иова Господь в Верхотурский Николаевский монастырь. Где и поныне почиваеши своими мощами, вознося за нас непрестанные молитвы ко Владыце Христу. Тем же мы благодарно зовем ти:

Радуйся, отче наш предивный;

Радуйся, утешительные слова ко всем находивый.

Радуйся, в Верхотурье Промыслом Божиим преселившийся;

Радуйся, на месте сем молитвенным подвигом насладивыйся.

Радуйся, кротким нравом у архимандрита Иова послушания носивый;

Радуйся, в святей обители в сан священнический облекшийся.

Радуйся, у престола Божия за мир молящийся;

Радуйся, примером чистоты сердечной всем являющийся.

Радуйся, за свечным ящиком и в библиотеце послуживый;

Радуйся, делами, мыслями и сердцем Богу угодивый.

Радуйся, за отдачу всего себя делу

набедренником награжденный;  
Радуйся, возвышенный Христом за дух  
смиранный.  
Радуйся, отче Арефо, ходатай за нас  
неустанный!

### **Кондак 3**

В руке Божии жизнь свою предав, монах –  
подвижник Арефо, ти истинным проповедником  
любви Христовой для братии и для всех  
притекающих за утешением явился еси. Видяще  
же непрестанные труды твоя, вси людие  
удивления и веселия исполняются, поя  
Всещедрому в дарах и милости Богу: Аллилуия.

### **Икос 3**

Егда пришел час, то по воле Творца,  
архимандрит Иов ушел на покой, вернувшись в  
Валаамскую обитель. Братия же единодушно  
впервые избра настоятеля из своей среды,  
захотев видеть в должности сей токмо тя, отче  
Арефо. Воспомяна насаждение тобою среди  
братии общежительного жития, прими от нас  
сие пение:

Радуйся, впервые самой братией для  
наставлений избранный;  
Радуйся, в сани архимандрита гордость вражию  
сразивый и поправый.  
Радуйся, истинный монах-подвижник;

Радуйся, любитель благочестия и книжник.

Радуйся, малейших отступлений от монастырских правил не допускающий;

Радуйся, умы и души ко горнему токмо направляющий.

Радуйся, обязанности настоятеля со кротостью понесший;

Радуйся, крест свой в руке, яко знамя взявший.

Радуйся, не токмо сердца, но и школы устрояя;

Радуйся, не токмо храмы, но и мысли в небо направляя.

Радуйся, заботам и ревности о детях и беднейшем люде послуживый;

Радуйся, Закону Божиему их с усердием учивый.

Радуйся, отче Арефо, ходатай за нас неустанный!

#### **Кондак 4**

Драгоценными дарами пред Господом были печали и труды твоя, славный Арефо. Ибо обогатил ти духовными книгами библиотецу и привел в известность с образцовым порядком монастырский архив. Мы же удивляясь велиим успехам твоим в области просвещения, не устаем славить Бога: Аллилуия.

## **Икос 4**

Разумом свыше просвещаем, преподобне, с радушием принял ти в сотрудничество известное светское лицо, пожелавшее заняться изучением истории монастыря и подготовкой к трехсотлетию основания обители. Приими же от нас сие благодарение за заботы твои о всех душах, подвизающихся во спасение:

Радуйся, своей любовью братию и всяк приходящих покрывающий;

Радуйся, молитвами своими святыми и нас не оставляющий.

Радуйся, трудами усердными библиотеку монастырскую в порядок приведший;

Радуйся, книг много новых для обители обретший.

Радуйся, о всех притекших к праведному Симеону заботящийся;

Радуйся, отцам и детям приходскую школу строящий.

Радуйся, тьму греховную светом Христовых заповедей озарявший;

Радуйся, Светом Божественным от молитв и добрых дел сиявший.

Радуйся, во время бед и скорбей всем помогающий;

Радуйся, веру истинную в печальных укрепляющий.

Радуйся, жизнь свою за Бога и обитель  
положивый;

Радуйся, как ученик Христов и воин, до конца  
себя смиривый.

Радуйся, отче Арефо, ходатай за нас  
неустанный!

### **Кондак 5**

Со всех концов России, от разных лиц поступали  
к тебе, милостивый архимандрит Арефо,  
многочисленные письма в Верхотурье с просьбой  
помолиться пред угодником Божиим праведным  
Симеоном. Ты же дал распоряжение на них  
отвечать неукоснительно. И сам на мнози из них  
отвечал с любовью письменными  
наставлениями. За то возглашаем Всехвальному  
Богу: Аллилуия.

### **Икос 5**

Новая боготечная звезда возсияла еси в земли  
Верхотурской в лице твоём, предивный Арефо,  
егда ступила нога твоя в бедную обитель. По  
прошествии же времени, возглавляемый тобою  
монастырь стал весьма благолепен. Ныне же  
ликовствуя по сему поводу глаголем сие:

Радуйся, отче наш премилостивый;

Радуйся, от мира и грехов отлучивыйся.

Радуйся, на письма нуждающихся тепло  
отвечающий;

Радуйся, и нас милости к ближним научающий.  
Радуйся, пример не токмо постника, но быть отцем родным показавый;  
Радуйся, тем Дух Святой к себе призывавый .  
Радуйся, не устающий удивляти нас;  
Радуйся, познавший от Бога свой день смерти и час.  
Радуйся, великий за нас молитвенник;  
Радуйся, вся жизнь твоя, яко живой родник.  
Радуйся, монахами и мирянами почитаемый;  
Радуйся, верою, надеждою и любовью окриляемый.  
Радуйся, отче Арефо, ходатай за нас неустанный.

### **Кондак 6**

Вел ти строгую аскетичекую жизнь, достохвальне отче Арефо, непрестанно уповая на Господа и прося Его о неизреченной милости на всякое доброе дело. Научи же и нас чистым сердцем, полагатися всегда на Господа Христа, поя Ему со Отцем и Святым Духом: Аллилуия.

### **Икос 6**

Всею своею жизнью стяжал еси дух мирен, боголюбивый Арефо. Так что и беси не могуще терпети смирения твоего с гиканьем убегали прочь. Будучи же архимандритом имел правилом себе: да не отъидет никто от тя, егда

не утешен бысть. Прими же в благодарность от нас похвалы сия:

Радуйся, земли уральския украшение;

Радуйся, искавший токмо спасения.

Радуйся, о душе, а не о плоти воздыхавый;

Радуйся, всего себя Богу предавый.

Радуйся, путь Марфы и Марии в служении прошедший;

Радуйся, для каждого милость в своем сердце нашедший.

Радуйся, не оставлявший молитвы и труда;

Радуйся, жизнь твоя есть полноводная река.

Радуйся, монахами начальником поставленный;

Радуйся, Богом во святых прославленный.

Радуйся, утешителю в беде сущим;

Радуйся, добрый пастырь, овец своих стерегущий.

Радуйся, отче Арефо, ходатай за нас неустанный.

### **Кондак 7**

Воспеваем любовь Божию в тебе, преславный Арефо; тобою бо не токмо монастырское хозяйство более правильно и в наилучший вид поставлено, но и вся духовная жизнь, аки свеща горящая, возсияла еси, служа просвещению многих. Хвалим, благодарим и величаем за то Святую Троицу, воспевая Богу: Аллилуия.

## **Икос 7**

Приобрел еси на небесех себе и братии друга и молитвенника ти, трудолюбивый Арефо, егда всякое лето устраивал быт ста тысящам притекающим в Верхотурье к раце мощей праведного Симеона. С ними же ныне в веселии зываем:

Радуйся, хозяйство в надлежащий вид поставивший;

Радуйся, всегда на помощь Божию Матерь призывающий.

Радуйся, зданий много по молитвам Симеона Верхотурского построивший;

Радуйся, духовных чад своих на лад молитвенный настроивший.

Радуйся, сияющий спокойствием и мудростию;

Радуйся, стяжал богатство от великой скудости.

Радуйся, святыми и ангелами не оставленный;

Радуйся, ко множеству учителем поставленный.

Радуйся, наставниче всесветлый и любимый;

Радуйся, душу свою в трудех усердных положивый.

Радуйся, со всеми собеседниче прекроткий;

Радуйся, милостивый пастырь, всенародный.

Радуйся, отче Арефо, ходатай за нас неустанный.

## **Кондак 8**

Не токмо в своем монастыре поднял новый дух и завел богоугодные порядки, досточудне Арефо, но и послушно стал благочинным многих монастырей и общин епархии Екатеринбургской, прием на плечи кротко даденный ти Самим Христом крест. Мы же видя твои: смирение, безропотность и усердие, приносим похвалу укрепляющему тя в подвигах Богу: Аллилуия.

## **Икос 8**

Обнесл многими посещаемую обитель стеною из крепких каменьев и множество зданий возвел еси, преподобный. Расширив значительно книжную и иконную лавку, движимый желанием спасения всем и каждому, зело угодил Небесному Владыце. Посему поем ти:  
Радуйся, награжденный за особые труды славянской Библией;  
Радуйся, отшедший рано к Богу чистой лилией.  
Радуйся, архимандрит прекроткий, нестяжатель;  
Радуйся, от Бога пастырь добрый, настоятель.  
Радуйся, постройке каменного храма на «Актай» ревнителю;  
Радуйся, церковно – приходских школ устройтелю.  
Радуйся, никто же не отыдет не утешен от тебя;

Радуйся, служению для други всего предал себя.  
Радуйся, сил злобы быстрый прогонителю;  
Радуйся, небесных чертогов славный жителю;  
Радуйся, несением креста Христу последовавый;  
Радуйся, веселия на небесех унаследовавый.  
Радуйся, отче Арефо, ходатай за нас  
неустанный.

### **Кондак 9**

Как бы ни был для многих широк путь zde, на  
земли, но ти, премудре Арефо, насаждал еси  
устав узкого общаго жития во обители  
Верхотрской для спасения всех. И братию во  
благочестии утверждал еси, дабы горько ни было  
ни коему из них, егда душа от тела разлучатися  
будет. Посему дивимся мудрости твоей и поем  
ея Великому Дателю: Аллилуия.

### **Икос 9**

Ублажаем тя, отче наш славный Арефо. Пусть не  
сто, но все до единого тридесять осемь лет  
жизни были положены тобою к ногам  
Сладчайшего Иисуса. Помня же о  
неисповедимости путей Господних, с трепетом  
взываем:

Радуйся, предобрая отрасль своих родителей;  
Радуйся, ходити по законам Божиим научителю.  
Радуйся, земное ни во что же вменивый;  
Радуйся, этим Богу угодивый.

Радуйся, премилостивый, милость у Царя  
Небесного обретший;  
Радуйся, терпением и любовью многих за собою  
ко Христу приведший.  
Радуйся, всегда ко Господу о помощи  
взывающий;  
Радуйся, и нас Ему молиться научающий.  
Радуйся, небесными дарами много  
преисполненный;  
Радуйся, благоуханием и чистотой наполненный.  
Радуйся, о мире слезы проливавший;  
Радуйся, пещись о душах более чем о теле  
наставлявший.  
Радуйся, отче Арефо, ходатай за нас  
неустанный.

### **Кондак 10**

Имея строгость к себе и велию милость к другим,  
в заботах о нуждах монастырей и обителей, на  
самом взлете духовном приставился еси ко  
Господу, предобрый Арефо. Любящий же тя  
Вседержитель, открыл заранее ти чадцу своему  
час исхода, и нам ныне дал пети Ему: Аллилуия.

### **Икос 10**

Сохраняя в сердце слова Спасителя: «Давайте, и  
дастся вам; ибо, какою мерою мерите, такою же  
отмерится и вам», старался еси, праведный отче,  
всей своей жизнью подражати Жизнодавцу

Христу. Ныне же, удостоенный славы на небесех, преложи и наши слезы на радость, и прими от нас сицевая:

Радуйся, писавший чадам письма добрые;

Радуйся, прославленный за жизнь земную скромную.

Радуйся, аскет и нестяжатель;

Радуйся, духовного воятель.

Радуйся, себе умывший руце пред кончиною;

Радуйся, познавший Святым Духом, что потухнет скоро жизнена лучина.

Радуйся, благочестиво, тихо путь земной окончивый;

Радуйся, сказал: «простите», перед смертию доходчиво.

Радуйся, на братском кладбище пред алтарем положенный;

Радуйся, стяжал дары со многими святыми схожие.

Радуйся, светильниче пресветлый и любимый;

Радуйся, своею жизнью Богу угодивый.

Радуйся, отче Арефо, ходатай за нас неустанный.

### **Кондак 11**

Воплотившийся без семени Господь Иисус Христос награди тя, премирный Арефо, духом: разумения, нелицемерней любви и чистой молитвы. Мы же имеем всегда мыслити жизнь

твою пред собою, зовем Ему со умилением:  
Аллилуия.

### **Икос 11**

Имея дерзновение пред Господом, присно  
молиши о всех нас, призывающих тя с верою,  
наставниче Богом данный. Чудесами велиими  
украшен еси на земли и в одежды светлые одеян  
на небесех; тем же ти с надеждою глаголем:  
Радуйся, помощниче, призывающим тя с верою;  
Радуйся, имеющий молитву к Богу смелую.  
Радуйся, послушный праведниче Божий;  
Радуйся, да будем многим на тебя похожи.  
Радуйся, любовью к Богу сердце распаливый;  
Радуйся, унынье, смех и зависть ни во что  
вменивый.  
Радуйся, отчаянным воззвание из скорби;  
Радуйся, упавших, поднимающий с любовью.  
Радуйся, целебниче недугов наших;  
Радуйся, учивый уважать достойно старших.  
Радуйся, живая ветвь Лозы Христовой;  
Радуйся, начаток нашей жизни с Богом новый.  
Радуйся, отче Арефо, ходатай за нас  
неустанный.

### **Кондак 12**

Исцеляеши болезни наши духовные и телесные  
немощи, чудотворче Верхотурский Арефо, да

избавлении тобою от бед и напастей воспоем  
Всемилоствивому Богу: Аллилуия.

## **Икос 12**

Ангелом земным и небесным человеком  
послужил со всем тщанием Творцу  
Вседержителю, отче Арефо, ныне же почитающе  
память твою взываем сице:

Радуйся, отче , Свеча Верхотурская, ярко  
горящая;

Радуйся, ты подаеши просимое к раце мощей  
твоих приходящим.

Радуйся, нам помогаеши идти путем  
выбранным, тесным;

Радуйся, дивно сияеши в Царстве Небесном.

Радуйся, велию милость стяжал ты у Бога;

Радуйся, жизнью нам указуешь дорогу.

Радуйся, отче преславный, любовью с Неба  
наполненный;

Радуйся, волю Творца с изобильем исполнивый.

Радуйся, скорый помощниче в скорбях и бедах;

Радуйся, мы над страстями своими, с тобою,  
обрящем победу.

Радуйся, ты угодовал себе воскресение жизни;

Радуйся, славный пример, послужить как  
Христу и Отчизне.

Радуйся, отче Арефо, ходатай за нас  
неустанный.

### **Кондак 13**

О, премилостивый и прекроткий, преподобне отче наш Арефо, получивший велию благодать от Господа: недуги исцеляти, болезни врачевати, врагов видимых и невидимых отгоняти, и за всех зле страждующих молитися непрестанно. Вознеси за нас свою благомощную молитву ко Владыце Иисусу Христу. Да твоею молитвою очистит Господь сердца наша от всякия греховныя скверны, да укрепит наши силы в борьбе со страстями и похотями, да сподобимся и мы твоим заступничеством избавитися вечного мучения и сподобимся наследовати Царствие и воспевати в нем со Ангелы, Архангелы и всеми Силами небесными славимому Богу во Святей Троице Отцу и Сыну и Святому Духу: Аллилуия.